



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌՎԱՐՈՒԹՅՈՒՆ

Ո Ր Ո Շ Ո Ւ Մ

21 ապրիլի 2016 թվականի N 694 - Ն

ԻՐԱՎԱԲԱՆԱԿԱՆ ԱՆՁԻՆ ՍՏՈՒԳԱԶԱՓՄԱՆ ԻՐԱՎՈՒՆՔԻ ՏՐԱՄԱԴՐՄԱՆ
ԿԱՐԳԸ ՍԱՀՄԱՆԵԼՈՒ ՄԱՍԻՆ

Հիմք ընդունելով «Զափումների միասնականության ապահովման մասին» Հայաստանի Հանրապետության օրենքի 16-րդ հոդվածի 11-րդ մասը՝ Հայաստանի Հանրապետության կառավարությունը որոշում է.

1. Սահմանել իրավաբանական անձին ստուգաչափման իրավունքի տրամադրման կարգը՝ համաձայն հավելվածի:
2. Սույն որոշումը ուժի մեջ է մտնում պաշտոնական իրապարակման օրվան հաջորդող տասներորդ օրը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Հ. ԱԲՐԱՀԱՄՅԱՆ

2016 թ. հունիսի 6
Երևան



Հավելված
ՀՀ կառավարության 2016 թվականի
ապրիլի 21-ի N 694 - Ն որոշման

Կ Ա Ր Գ

ԻՐԱՎԱԲԱՆԱԿԱՆ ԱՆՁԻՆ ՍՏՈՒԳԱԶԱՓՄԱՆ ԻՐԱՎՈՒՆՔԻ ՏՐԱՄԱԴՐՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Իրավաբանական անձին ստուգաչափման իրավունքի տրամադրման կարգով (այսուհետ՝ կարգ) կարգավորվում են իրավաբանական անձին չափումների միասնականության ապահովման բնագավառում չափման միջոցների (քացառությամբ հանրային ծառայությունների ոլորտի) ստուգաչափման իրավունքի տրամադրման հետ կապված հարաբերությունները:

2. «Չափումների միասնականության ապահովման մասին» Հայաստանի Հանրապետության օրենքի 16-րդ հոդվածի 11-րդ մասին համապատասխան իրավաբանական անձին ստուգաչափման իրավունք է տալիս Հայաստանի Հանրապետության կառավարություն՝ չափիտության լիազոր մարմնի ներկայացմամբ:

3. Այս իրավաբանական անձը (այսուհետ՝ հայտատուն), ով ունի միջազգային օրենսդրական չափագիտության կազմակերպության ուղեցույցներով, միջազգային, տարածաշրջանային կամ ազգային ստանդարտներով սահմանված (ստուգաչափման մեթոդներ) չափանմուշներ, շենքային պայմաններ, ինչպես նաև «Չափումների միասնականության ապահովման մասին» Հայաստանի Հանրապետության օրենքի 16-րդ հոդվածի 4-րդ մասին համապատասխան վկայագրված ստուգաչափողներ, փորձաքննության ենթակա փաստաթղթերի լրակազմին և սույն կարգի ձևին համապատասխան հայտ է ներկայացնում չափիտության լիազոր մարմին:

4. Սույն կարգում կիրառված են «Զափումների վիճանականության ապահովման մասին»

Հայաստանի Հանրապետության օրենքով սահմանված հիմնական հասկացությունները:

**II. ՀԱՅՏԱՏՈՒԻ ԶԱՓՄԱՆ ՄԻՋՈՑՆԵՐԻ ՍՏՈՒԳԱՉԱՓՄԱՆ ԻՐԱՎՈՒՆՔԻ
ՏՐԱՄԱԴՐՄԱՆ ԳՈՐԾԼՆԹԱՑԻ ԿԱԶՄԱԿԵՐՊՈՒՄՆ ՈՒ
ԻՐԱԿԱՆԱՑՈՒՄԸ**

5. Հայտատուին ստուգաչափման իրավունքի տրամադրման գործընթացը ներառում է՝

1) հայտի ներկայացում՝ համապատասխան փաստաթղթերի հետ համատեղ.

2) հայտատուի չափման միջոցների ստուգաչափման իրավունքի տրամադրման նպատակով ներկայացված հայտի և ուղեկից փաստաթղթերի փորձաքննություն.

3) հայտատուի չափագիտական ապահովվածության փորձաքննություն.

4) հայտատուի չափման միջոցների ստուգաչափման իրավունքի տրամադրման որոշման ընդունում:

6. Զափման միջոցների ստուգաչափման իրավունքի տրամադրման գործընթացն սկսվում է կարգի ձևին համապատասխան ներկայացված հայտի և սույն կարգի 7-րդ կետով սահմանված փաստաթղթերի ներկայացմամբ և իրականացվում է չափագիտության լիազորված մարմնի կողմից սահմանված չափման միջոցների ստուգաչափման կազմակերպման և իրականացման կարգին համապատասխան:

III. ՀԱՅՏԸ ԵՎ ԱՆՀՐԱԺԵՇ ՓԱՍՏԱՁՂԹԵՐԸ ՆԵՐԿԱՅԱՑՎՆԵԼԸ

7. Հայտատուն չափագիտության լիազոր մարմին է ներկայացնում հայտը՝ համաձայն ձևի, և հետևյալ փաստաթղթերի երկու օրինակ (պատճեններից մեկը պետք է լինի թղթային՝ ստորագրված, համարակալված և կնքված իրավարանական անձի դեկավարի կողմից, իսկ մյուսը՝ էլեկտրոնային կրիչով), այդ թվում՝

1) իրավարանական անձի պետական գրանցման համարը.

2) ստուգափակման աշխատանքներ կատարող չափման միջոցի չափագիտական և տեխնիկական բնութագրերը, չափման միջոցի ստուգափակման պիեման՝ հետևելիությամբ մինչև ազգային չափանմուշը.

3) իրավաբանական անձին պատկանող բոլոր էտապների, չափման միջոցների, օժանդակ սարքավորումների ցանկը՝ ուղեկցող փաստաթղթերով (տրամաչափարկման, ստուգափակման, վկայագրման, տեսակի հաստատման).

4) որակի ձեռնարկը, որը ներառում է ստուգաչափող չափման միջոցի և ստուգափակման միջոցների մասին տեղեկություններ, այդ թվում՝ աշխատանքի, արդյունքների հաշվառման և վավերագրման համակարգի առկայության վերաբերյալ.

5) փաստաթղթեր չափման միջոցի ստուգաչափման աշխատանքներ կատարելու համար անհրաժեշտ տարածքների, սարքավորումների առկայության և դրանց պահպանման պայմանների մասին.

6) փաստաթղթեր որակի կատավարման համակարգի ներդրման վերաբերյալ.

7) փաստաթղթեր ստուգաչափման աշխատանքներ կատարող անձնակազմի, դրանց մասնագիտական կրթության և առնվազն 3 տարվա ստուգաչափում կատարելու աշխատանքային փորձ ունենալու վերաբերյալ.

8) ստուգաչափման աշխատանքներ կատարելու համար անհրաժեշտ հետևյալ նորմատիվ փաստաթղթերի պատճենները և դրանց անվանացանկը (ստանդարտներ, մեթոդիկաներ, կարգեր)

ա. չափման միջոցի ստուգաչափման գործող կամ հաստատված մեթոդիկաներ՝ չափման միջոցի ստուգաչափման աշխատանքներ կատարելու համար,

բ. փաստաթղթեր, որոնք կանոնակարգում են չափանմուշների՝ համապատասխան վիճակում պահպանման կանոնները (տրամաչափարկման, ստուգաչափման և սպասարկման ժամանակացույցերը, անձնագրերը, շահագործման փաստաթղթերը),

գ. փաստաթղթեր, որոնք սահմանում են ստուգաչափման արդյունքների վերաբերյալ ինֆորմացիայի պահպանումը (հաշվետվություններ, աշխատանքային մատյաններ և այլն):

8. Ներկայացված փաստաթղթերի ցանկի մեկ օրինակն ընդունման ամսաթվի և գրանցման համարի նշումով տրվում է հայտատուին:

9. Չափագիտության լիազոր մարմնի կողմից ստեղծված հանձնաժողովն ուսումնականությունը կարգի 6-րդ կետով սահմանված կարգի դրույթներին համապատասխան: Փաստաթղթերի օրինականությունն ու ամրողականությունը՝ սույն կարգի 6-րդ կետով սահմանված կարգի դրույթներին չհամապատասխան չհամապատասխանելու դեպքում չափագիտության լիազոր մարմինը այդ մասին 3 օրվա ընթացքում տեղեկացնում է հայտատուին և առաջարկում վերացնել թերությունները: Թերությունները չվերացնելու դեպքում հայտը մերժվում է սույն կարգի 15-րդ կետում սահմանված կարգով:

IV. ՉԱՓԱԳԻՏԱԿԱՆ ՓՈՐՁԱՔՆՍՈՒԹՅՈՒՆԸ

10. Չափագիտական փորձաքննությունը ներառում է ինչպես փաստաթղթային, այնպես էլ հայտատուի չափագիտական ապահովվածության փորձաքննությունները:

11. Հայտատուի կողմից ներկայացված հայտի և անհրաժեշտ փաստաթղթերի օրինականությունն ու ամրողականությունը սույն կարգի 6-րդ կետով սահմանված կարգի դրույթներին համապատասխանելու դեպքում 5 օրվա ընթացքում չափագիտության լիազոր մարմնի դեկավարն ստեղծում է չափագիտական փորձաքննություն իրականացնող հանձնաժողով (այսուհետ՝ հանձնաժողով):

12. Չափագիտական փորձաքննություն իրականացնող հանձնաժողովի լիազորություններն են՝

1) փաստաթղթերի փորձաքննություն.

2) հայտատուի գտնվելու վայրում չափագիտական ապահովածության փորձաքննություն.

3) փաստաթղթերի և չափագիտական ապահովածության փորձաքննության արդյունքների հիման վրա եզրակացնության կազմում.

4) սույն կարգի 15-րդ կետում նշված դեպքերում հայտի մերժման հիմնավորման նախապատրաստում, հայտի մերժման մասին որոշման կայացում և որոշման տրամադրում հայտատուին:

13. Հայտի և ուղեկցող փաստաթղթերի դրական փորձաքննության դեպքում, հայտատուի գտնվելու վայրում, հանձնաժողովի կողմից իրականացվում է նրա չափագիտական ապահովածության փորձաքննություն:

14. Հանձնաժողովը չափագիտական փորձաքննություն իրականացնելու նպատակով փաստաթղթերի և չափագիտական ապահովածության փորձաքննության արդյունքների հիման վրա 3 օրվա ընթացքում կազմում է եզրակացնություն:

15. Չափագիտության լիազոր մարմնի կողմից ստեղծված հանձնաժողովն ուսումնական կարգի դրույթներին համապատասխան, որոնց չհամապատասխանելու դեպքում նրա մասին 3 օրվա ընթացքում տեղեկացնում է հայտատուին և առաջարկում վերացնել թերությունները: Հայտատուի չափագիտական ապահովածության փորձաքննություն կատարելու արդյունքում հայտնաբերված անհամապատասխանությունները հայտատուի կողմից չվերացնելու դեպքում հանձնաժողովը նախապատրաստում է հայտի մերժման հիմնավորումը, որը 5 օրվա ընթացքում փոխանցվում է չափագիտության լիազոր մարմնին, որն էլ 15 օրվա ընթացքում հայտատանի հանրապետության կառավարություն է ներկայացնում հայտի մերժման մասին որոշման նախագիծ և որոշման ընդունումից հետո 2 օրվա ընթացքում այն հանձնում է հայտատուին:

16. Հանձնաժողովի կողմից իրականացված փորձաքննության դրական արդյունքների դեպքում, առավելագույնը 6 օրվա ընթացքում, կազմվում է եզրակացություն, որի մեջ օրինակը ներկայացվում է չափագիտության լիազոր մարմին:

17. Ստուգաչափման իրավունքի տրամադրման գործընթացն իրականացվում է հայտը և համապատասխան փաստաթղթերը ներկայացնելու պահից ոչ ավելի, քան 30 օրվա ընթացքում:

18. Չափագիտության լիազոր մարմինը հանձնաժողովի դրական եզրակացության հիման վրա Հայաստանի Հանրապետության կառավարություն է ներկայացնում հայտատուին ստուգաչափման իրավունքի տրամադրման վերաբերյալ որոշման նախագիծ:

V. ՏԵՂԵԿԱՏՎՈՒԹՅԱՆ ՏՐԱՄԱԴՐՈՒՄԸ

19. Չափման միջոցների ստուգաչափման իրավունքի տրամադրման մասին տեղեկատվությունը (Հայաստանի Հանրապետության կառավարության որոշումը), ինչպես նաև օրենսդրությամբ սահմանված դեպքերում ստուգաչափման իրավունքի դադարեցման մասին տեղեկատվությունը տեղադրվում է չափագիտության լիազոր մարմնի էլեկտրոնային կայքում:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ԴԵԿԱՎԱՐ-ՆԱԽԱՐԱՐ**

Դ. ՀԱՐՈՒԹՅՈՒՆՅԱՆ

ՀՀ Էկոնոմիկայի նախարար պրն

(հայտատու իրավաբանական անձի անվանումը)

(տնօրենի կամ տնօրենի կողմից լիազորված անձի
անունը, ազգանունը, հայրանունը)

ՀԱՅՏ

Խնդրում եմ Ձեր հանձնարարականը համապատասխան կառուցվածքային ստորագրածանումներին՝ ներբոհիշյալ չափման միջոցների (չափման միջոցի) ստուգաչափման աշխատանքներ կատարելու իրավունքի տրամադրման գործընթացը կազմակերպելու վերաբերյալ՝

1. _____
(չափման միջոցի անվանումը)
2. _____
(չափման միջոցի անվանումը)
3. _____
(չափման միջոցի անվանումը)
4. _____
(չափման միջոցի անվանումը)
5. _____
(չափման միջոցի անվանումը)

Առդիր՝ ներկայացվող փաստաթղթերը և դրանց անվանացանկը 2 օրինակից
« » թերթից, ինչպես նաև էլեկտրոնային կրիչը՝ մեկ օրինակից:

Հայտատու _____
(ստորագրությունը)

(անունը, ազգանունը)

Կ.Տ.

— — — 201 թ.

Կազմակերպության տվյալները _____
(հասցեն, հեռախոսահամարը, էլ. փոստ)

